

Minzczuz Doxgiet Riengz Dangj Byaij

民族团结跟党走

□ Cinz Genmouz / 覃建谋

Minzczuz daih doxgiet,
Ndongj gvaq diet,
Gienqsieip(Gensez) raeuz guekgya;
Lumj gyoengq rwi mbaet va,
Mbincaca,
Caez dawz ma guh dangz.

Gyoengq sien caez gvaq haij,
Goengrenz lai,
Mbouj daengz byai mbouj yiet;
Minzczuz daih doxgiet,
Ndongj gvaq diet,
Gienqsieip(Gensez) raeuz guekgya.

Doxgiet goengrenz daih,
Mbouj lau dai,
Feizhaij hix gamj gvaq;
Lumj gyoengq rwi mbaet va,
Mbincaca,
Caez dawz ma guh dangz.

Seizneix Cungguek raeuz,
Ndei dienheiq,
Lij raeuj gvaq daenggoenz;
Cibseiq ik lwgminz,
Ndaej vuenyungz,
Sing riu mbwn yaek lak.

Vih saedyienh aenmoengh,
Gak cuz vunz,
Byaijfoed riengz dangj raeuz;
Seizneix Cungguek raeuz,
Ndei dienheiq,
Lij raeuj gvaq daenggoenz.

Minzczuz daih doxgiet,
Sim giengiet (genhgez),
Dawz diet lienh baenz gim;
Cibseiq ik lwgminz,
Ndaej vuenyungz,
Sing riu mbwn yaek lak.

Hajcib roek minzczuz,
Va dujduj,
Caez doengz go gungh ngeiq;
Minzczuz doxgiet ndei,
Riengz dangj bae,
Gensez ndei guekcoj.

Gyaq giuz gvaq feizhaij,
Mbouj lau dai,
Doengzsim hai fouqloh;
Hajcib roek minzczuz,
Va dujduj,
Caez doengz go gungh ngeiq.

Bouxlawz miz hojnanh,
Daihgya bang,
Bya sang ram hix ndaej;
Minzczuz doxgiet ndei,
Riengz dangj bae,

Gensez ndei guekcoj.
Gensez ndei guekcoj,
Byaij fouqloh,
Bouxhoj mbouj caiq miz;
Dangj lingjdauj ndaej ndei,
Cingq bungz seiz,
Bouxboux caez bienq fouq.

Doenghbaez hoj lumj gaeng,
Daiq doeklaeng,
Mbouj miz ngaenz cawx noh;
Gensez ndei guekcoj,
Byaij fouqloh,
Bouxhoj mbouj caiq miz.

Cibbet Daih gvaqdaej,
Gak minzczuz,
Doxgiet guh engq ndei;

Dangj lingjdauj caen ndei,
Cingq bungz seiz,
Bouxboux caez bienqfouq.

Cibbet Daih gvaqdaej,
Bouxcuengh raeuz,
Aen laeuz gizgiz sang;
Minzczuz caez doxbang,
Ndongj baenz gang,
Doengz gyaranz beixnuengx.

Raeuz gak aen minzczuz,
Gonq daiq hoj,
Byaijloh mbouj ngiengxgyaeuj;
Cibbet Daih gvaqdaej,
Bouxcuengh raeuz,
Aen laeuz gizgiz sang.

(1)



Bouxhek daeuj lajmbanj youzbyaij mbaet makdauz.

Vuz Daiyauz ingi

•Sawcuenhvaez Lwgnyez•

Gij Golwgnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

“Mwngz, mwngz heuh gou guh maz?” Gou sim mbouj dingh bae dap,
“gou daj ndaw ndoengfaex baihde daeuj, cingq yaek maranz ne.”

“Cingq ndei.” De ndenq song bau nyinghfaex ragnywj hawj gou,
“sikhaek bang gou soengq daengz ranz Ahvej bae.”

“Yw deng ngwzdoeg haeb?”
Ndawsim gou ronghgywggywg, lij daegdaengq cam.

“W, Ahvej mbouj dwg deng ngwzdoeg haeb ha?”

“W! Lwgfwngz de deng haeb lo.”
Gou ngaekgyaeuj dwddwd.

“Bau iq neix dwg cienq hawj de gwn, sam vanj raemxsaw cienq baenz vanj yw he.”

Gou iet fwngz coux song bau ywdoj gvaqdaej, hix coux gvaq gij saenqnyaemh de lo, haxbaenh gou gig saetmuengh caemhcai dwgcaengz de, seizneix gaeng youh fug de gingq de

moq lo, youq ndawsim gou de dwg boux vunz ndei!

“Bau neix hung di hawj Ahvej naengj gij baksieng, aeu rek cienq goenj hwnj fwi, baihgwnz aeu baengz goemq hwnjdaej, heuh Ahvej iet lwgfwngz deng haeb hauejbae hawj heiqndat naengj, naengj ndaej yied nanz yied ndei.”

Gij vah Aulungzgeiz gig cingcuj gaek youq ndaw uk gou, de caen lumj boux canhyw ndeu, daengq ndaej ciengzsaec fouzbeij, gou iet fwngzswix

coux gvaq bau ywdoj hung haenx, de youh bouj le coenz ndeu:

“Geiq maenh, bau iq dwg yw cienq gwn, bau hung dwg cienq aeu fwi naengj fwngz.”

“Gou geiq maenh lo.”

“Baenzneix doq bae ba.”

Gou buet le song yamq, baeng gyaeuj daengx roengzdaej baez yawj, de lij ndwn youq gizgaeuq.

“Aulungzgeiz, mwngz vihmaz mbouj gag soengq bae?”

Gou cam coenz vah neix mbouj

dwg ndojgik roxnaeuz lau mazfanz, cij dwg Aulungzgeiz goj caenndang soengq bae, hix ndaej hawj meh Simjmehvej gyo’mbaiq de, mboujnex Simjmehvej lij haemz de mbouj nyienh gouq Ahvej ne.

“Yi—— Lwgnyez buet ndaej riengjret, beij gou lij vaiq, doq bae!”

De vad fwngz coh gou, lumj duq duzgaeq nei.

Gou mbouj miz maz ndei gangj lo, baeng gyaeuj couh buet.

(caengz sat)